




Excmo. Concello de Tui



6.

CONVENIO DE COOPERACIÓN PARA A CREACIÓN DA EUROCIUDADE TUI-VALENÇA

REUNIDOS

Dunha parte o Señor Don Jorge Salgueiro Mendes, en calidade de Presidente da Cámara Municipal de Valença.

Doutra, o Señor Don Moisés Rodríguez Pérez, en calidade de Alcalde do Concello de Tui.

Doutra, o Señor Don Alfonso Rueda Valenzuela, en representación da Comunidade de Traballo Galicia-Norte de Portugal, por delegación de sinatura de don Alberto Núñez Feijoo, na súa calidade de presidente da Comunidade de Traballo

E recoñecéndose mutuamente a acreditada representación das súas respectivas institucións, por conta das cales actúan,


MANIFESTAN:

Que a cooperación transfronteiriza é un instrumento válido para lograr unha unión más estreita entre os cidadáns europeos.

Que a desaparición das fronteiras interiores da Comunidade Europea sitúa aos cidadáns da área transfronteiriza nunha posición de especial relevancia no proceso de vertebración da Unión Política Europea.



Exmo. Concello de Tui



Que a nosa resposta ao reto do Mercado Único Europeo e ao incerto futuro que se nos aveciña obríganos a mirarnos fronte a fronte e cooperar unidos.

Que, tendo en conta a especial relación entre o Municipio de Tui e o Municipio de Valença, fortalecida historicamente a través da Ponte Internacional Tui-Valença do Miño que é o principal paso fronteirizo entre ambos os países.

Ambas as cidades teñen unha historia secular de convivencia e xuntas poden conformar un espazo único, capaz de xerar as sinerxías necesarias para a creación dun polo de referencia capaz de atraer as poboacións da súa contorna.

Que á vista do Tratado de Valencia, asinado entre o Reino de España e a República Portuguesa en Valencia o 3 de outubro de 2002 que promove a cooperación transfronteiriza entre as autoridades territoriais de España e Portugal no ámbito das súas competencias respectivas.

Que tendo en conta que a Comunidade de Traballo Galicia-Norte de Portugal, con experiencia en todos os ámbitos relacionados coa cooperación transfronteiriza, posúe un singular interese no achegamento de ambas as cidades que comparten nexos históricos, lingüísticos, económicos, sociais e culturais.


ACORDAN:

Primeiro

Promover o fortalecemento dos lazos xa existentes entre as dúas cidades fronteirizas, coa finalidade de desenvolver e articular a cooperación entre as cidades de Tui e de Valença, para proporcionar unha maior calidade de vida ás súas poboacións.



Exmo. Concello de Tui



(Handwritten signature)

Segundo

Promover a converxencia institucional, económica, social, cultural e ambiental entre as dúas cidades, de forma que o “efecto fronteira” deixe de ser un inconveniente para converterse nunha oportunidade de desenvolvemento territorial e desenvolvemento socioeconómico, promovendo a utilización de servizos comúns como instrumento dinamizador da convivencia entre as persoas de ambos os territorios.

Reforzar a cooperación, buscando conxugar os esforzos e recursos buscando o planeamento e a xestión conxunta de servizos e equipamentos municipais

Terceiro

Iniciar as accións dirixidas a establecer lazos no dominio da cooperación económica, comercial, institucional, tecnolóxica, turística, social, cultural e académica, como a mellor forma de consolidar a cooperación mutua establecida.

Cuarto

Promover o establecemento de empresas privadas en ambas as cidades, facilitando así o crecemento económico e un maior grao de industrialización e comercialización de produtos, redundando no benestar persoal e social dos seus respectivos habitantes.

Quinto


Fomentar o desenvolvemento de proxectos de cooperación en áreas de interese común, podendo mesmo, buscar fontes externas de financiamiento para a consecución dos mesmos.

Sexto

En concreto, preténdese:



Exmo. Concello de Tui



- * Traballar convxuntamente para desenvolver accións de promoción de investimentos e de oportunidades comerciais, produtivas e turísticas;
- * Reforzar a cohesión social;
- * Promover a valorización dos recursos humanos nos diversos niveis de formación e aprendizaxe;
- * Promover a valorización do patrimonio natural e cultural;
- * Consolidar e desenvolver o tecido empresarial local;
- * Integrar e promover o sector loxístico;
- * Revitalizar as actividades deportivas a través de infraestruturas comúns;
- * Promover a actividade cultural convxunta
- * Dinamizar a actuación das administracións, aproveitando as infraestruturas e equipamentos existentes;
- * Planear de forma coordinada os novos equipamentos e as futuras actuacións a realizar;
- * Desenvolver todas as accións que redunden na mellora de calidade de vida dos seus cidadáns e en fortalecemento das súas relacóns.

Sétimo


As partes acordan, en consecuencia, promover unha Eurocidade nos municipios de Tui e Valença. Esta Eurocidade denominarase “Tui – Valença” ou “Valença – Tui” indistintamente.

Oitavo

Este convenio será complementado por programas e proxectos de colaboración que se establezan nos diferentes ámbitos de actuación e que formarán parte do mesmo.



Excmo. Concello de Tui



Realizado por triplicado exemplar, en galego, portugués e español, sendo o tres textos iguais. O presente convenio terá duración indefinida, a partir da data da súa firma, podendo ser modificado por acordo entre as partes ou anulado mediante previa denuncia cunha antelación mínima de tres meses. En caso de existir a ejecución dun programa, debe manterse a execución do mesmo, salvo decisión contraria de común acordo entre as partes.

Asinado na cidade de Valença, a 10 de febreiro de 2012.

Pola Comunidade de
Traballo Galicia-Norte
de Portugal

Don Alfonso Rueda
Valenzuela
(por delegación de sinatura)

Polo Concello de Tui

Don Rodríguez Pérez

Pola Cámara
Municipal de Valença

Don Jorge Salgueiro
Mendes